



Broj: 10-05-28708-1/17
Sarajevo, 09.02.2018. godine

16.02.18

Na osnovu člana 70. stav 1. Zakona o pravima, obavezama i odgovornostima pacijenata (Službene novine Federacije BiH“, broj 40/10), člana 56. stav 2. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05) i člana 3. stav 1. Pravilnika o zdravstvenom savjetu Ministarstva zdravstva Kantona Sarajevo („Službene novine Federacije BiH“, broj 82/15), Ministrica zdravstva Kantona Sarajevo, donosi

R J E Š E N J E
o imenovanju Zdravstvenog savjeta
Ministarstva zdravstva Kantona Sarajevo

I

Imenuje se predsjednik i članovi Zdravstvenog savjeta Ministarstva zdravstva Kantona Sarajevo, (u daljem tekstu: Zdravstveni savjet) u sljedećem sastavu:

1. Prim.dr Smiljana Viteškić – Predsjednik
2. Prim.dr Amra Ajanović – član
3. Dr Bakir Nakaš – član
4. Prim. dr Velida Dilberović-Bušatlić – član
5. Sakib Katana, dipl.oec. – član
6. Prim. dr Ranko Čović – član
7. Prim. mr. ph. Mirsad Šabaredžović – član
8. Mediha Avdić, dipl.med. sestra – član

Za administrativno-tehničkog sekretara koji će obavljati administrativno-tehničke poslove za potrebe Zdravstvenog savjeta, kao i druge poslove po zahtjevu predsjednika i članova Zdravstvenog savjeta, imenuje se Izeta Milišić.

II

Zdravstveni savjet je savjetodavno tijelo Ministarstva zdravstva Kantona Sarajevo koje prati provođenje ostvarivanja i unapređenja prava pacijenata, a u okviru prava i obaveza za područje Kantona Sarajevo.

III

Nadležnosti Zdravstvenog savjeta utvrđene su u članu 71. Zakona o pravima, obavezama i odgovornostima pacijenata, kao i članu 4. stav 3. Pravilnika o zdravstvenom savjetu Ministarstva zdravstva Kantona Sarajevo.

Zdravstveni savjet je obavezan donijeti poslovnik o radu, kojim će se bliže urediti organizacija i način njegovog rada.

Zdravstveni savjet podnosi Ministrici zdravstva Kantona Sarajevo namanje jednom godišnje izvještaj o svom radu, a po potrebi na zahtjev Ministriće zdravstva i za kraći period. Takođe Zdravstveni savjet izvještava Ministricu zdravstva o uočenim problemima, nedostacima i primjedbama u provođenje ostvarivanja i unapređenja prava pacijenata, a u okviru prava i obaveza za područje Kantona Sarajevo.

IV

Predsjednik, članovi i sekretar Zdravstvenog savjeta imaju pravo na naknadu za svoj rad u neto iznosu i to: predsjednik u iznosu od 150,00 KM, članovi u iznosu od 100,00 KM i sekretar u

iznosu od 50,00 KM, koja će se isplaćivati iz sredstava Budžeta Kantona Sarajevo – Razdjel Ministarstva zdravstva, a svoje radne poslove i zadatke će obavljati izvan radnog vremena.

Naknada iz prethodnog stava se isplaćuje mjesečno pod uslov da je u tom mjesecu održana najmanje jedna sjednica i uz obavezno prisustvo sjednici.

V

Mandat predsjednika i članova Zdravstvenog savjeta traje četiri godine, s mogućnošću ponovnog izbora za još jedan mandatni period.

VI

Ovo rješenje stupa na snagu danom donošenja.

Obrazloženje

Članovima 70, 71. i 72. Zakona o pravima, obavezama i odgovornostima pacijenata (Službene novine Federacije BiH“, broj 40/10), je propisano da u ostvarivanju društvene brige za zaštitu pacijenata, u okviru prava i obaveza na području kantona, kantonalni ministar osniva i imenuje zdravstveni savjet kantonalnog ministarstva, njegov sastav, nadležnosti, način imenovanja i razrješenja, mandat, način finansiranja i druga pitanja od značaja za rad.

Ministrica zdravstva Kantona Sarajevo je donijela Pravilnik o zdravstvenom savjetu Ministarstva zdravstva Kantona Sarajevo („Službene novine Federacije BiH“, broj 82/15), kojim je propisano da je Zdravstveni savjet savjetodavno tijelo Ministarstva zdravstva Kantona Sarajevo, koje prati provođenje ostvarivanja i unapređenja prava pacijenata, a u okviru prava i obaveza za područje Kantona Sarajevo, kao i njegov sastav, način imenovanja i razrješenja, mandat, naknada za rad i druga pitanja od značaja za njegov rad.

Ministarstvo zdravstva Kantona Sarajevo je dana 02.10.2017. godine, objavilo Javni poziv za izbor i imenovanje Zdravstvenog savjeta Ministarstva zdravstva Kantona Sarajevo i isti je objavljen u dnevnom listu „Dnevni avaz“, a kompletan tekst Javnog poziva objavljen je na web stranici Ministarstva zdravstva Kantona Sarajevo. Rješenjem Ministrice zdravstva Kantona Sarajevo, broj: 10-05-28708-1/17 od 08.11.2017. godine, imenovana je Komisija za izbor članova Zdravstvenog savjeta Ministarstva zdravstva Kantona Sarajevo, sa zadatkom da otvori, pregleda i ocijeni prijave koje su pristigle u propisanom roku, navedenom u javnom pozivu.

Komisija je dana 13.11.2017. godine, otvorila pristigle prijave i konstatovala da je pristiglo ukupno 10 prijava, da su sve bile blagovremene, a da je jedna prijava bila nepotpuna.

Shodno naprijed navedenom Ministrica zdravstva Kantona Sarajevo je imenovala predsjednika i članove Zdravstvenog savjeta Ministarstva zdravstva Kantona Sarajevo, iz reda istaknutih stručnjaka, sa dokazanim moralnim i etičkim kvalitetima, u oblasti medicinskih, ekonomskih i obrazovnih nauka. Prilikom imenovanja Zdravstvenog savjeta poštovan je princip odražavanja ravnopravne zastupljenosti oba spola.

U skladu sa naprijed navedenim, odlučeno je kao u dispozitivu rješenja.

MINISTRICA

Zilha Ademaj, dipl. oec.

Dostaviti:

1. Predsjedniku, članovima i sekretaru Zdravstvenog savjeta
2. Ministarstvu zdravstva Kantona Sarajevo
3. a/a

